

薛立齋醫案全集

辛酉孟夏中澣

後齋署



吳郡薛 已著

喉痺一附五臟虛羸傳變喉間內潰或鼻中壅出息肉或鼻外患瘡

江都吳中珩校
武進于鳳岐重校

一小兒喉痺因膏粱積熱或稟賦有熱或乳母七情之火飲食之毒當分其邪若裏裡與症之輕重怒之所主而治之若左腮色青赤者肝膽經風熱也用柴胡梔子散右腮色赤者肺經有熱也用瀉白散額間色赤者心與小腸經熱也用導赤散若兼青色風熱相搏也用加味道遙散鼻間色黃胃脾經有熱也用瀉黃散若兼青色木乘土位也用加味道遙散兼赤色心傳土位也用柴胡梔子散額間色赤腎經有熱也用地黃丸凡此積熱內蘊二便不通者當疎利之風邪外客而發寒熱者當發散之外感風邪大便閉結煩渴痰盛者當內疎外解若因乳母膏粱積熱者母服東垣清胃散若因乳母恚怒肝火者母服加味道遙散稟賦陰虛者服地黃丸大槩當用輕和之劑以治其本切不可用峻利之藥以傷真氣也

一小兒喉間腫痛驚悸飲水服散為風降火之藥益其仍欲攻風痰余曰驚悸飲水心經虛症也蓋胃為五臟之本先用五味異功散以補胃加桔梗甘草以消毒諸症頓退後用牛蒡子湯加柴胡而愈

一小兒喉間腫痛左腮色青赤此心肝二經之熱也用柴胡清肝散而愈後因驚服至寶丹吐痰發搐手足指冷此肝木虛而肺金乘之用補中益氣湯以補脾肺六味地黃丸以滋肝腎而愈

一小兒發熱飲冷大便黃色手足並熱不能吮乳視口內無患捫其喉間則哭此喉內作痛乃脾胃實熱也用瀉黃清胃二散各一劑母子並服而愈後因乳母飲酒犯躁不安口內流涎仍用前二散而愈

一小兒喉間腫痛口用流涎手足並熱用瀉黃清胃二散母子服之而愈後因母大怒犯憎寒發熱仍復流涎用柴胡清肝散加漏蘆母子服之而愈

一小兒喉間腫痛發熱咳嗽大便秘結此肺與大腸有熱也先用牛蒡子湯加硝黃一服大便隨通乃去

硝黃再劑頓愈。審其母有肝火發熱，用柴胡清肝散，母子並服而愈。

一小兒嗜膏厚味，喉間腫痛，痰涎壅盛，服巴豆丸，前症益甚。口鼻出血，唇舌生瘡，大便不實。余用犀角地黃湯解膏粱之熱，用東垣安胃散解巴豆之毒，又用甘桔湯而愈。

一小兒喉腫作渴，大便乾實，右腮赤色。此肺與大腸經實熱也。用柴胡飲子一服而愈。後因飲食停滯，服峻厲之藥，喉間仍腫，腹中脹痛。此脾氣復傷也。用異功散加升麻當歸而痊。

一小兒因母忿怒，患前症，兼咬牙呵欠。余謂肝經虛熱之症，子用桔梗湯加柴胡、山梔、牛蒡子，母服加味道遙散而愈。

一小兒肌體瘦弱，嗜土炭、煤灰，後鼻間不利，恪服清熱之劑，肌體愈瘦，食少熱甚，蓋驚喜怒，小便良久變白，鼻中出息肉二寸許耳。下頸間結小核，隱於筋肉之間。余謂肝脾虛羸之變症，不信乃內清肺火，外用腐蝕，喉間亦腐。余先用五味異功散加升麻、柴胡、無義為主，更用四味肥兒丸為佐，脾氣漸健，乃用九味蘆薈丸為主，以五味異功散為佐而愈。

一女子六歲，喉間腫痛，鼻中息肉，寒熱往來，小便頻數，良久變白。此肝疳之症，先用加味道遙散加炒黑焦龍膽草，熱痒漸退，乃去龍膽草，佐以四味肥兒丸而愈。

一女子七歲，鼻生息肉，搽攻毒之藥，成瘡腫痛，外用黃連、甘草、黃柏末付之，以解熱毒，更以加味道遙散清肝火，佐以四味肥兒丸而愈。

一女子鼻中及下部常出息肉，屢用毒藥蝕之，各挺出一條三寸許。先與龍膽草湯為主，以加味道遙散為佐而愈。

一小兒額間赤足心熱，喉中常痛，服清胃敗毒之藥，余謂稟腎水不足而心火熾甚也。當用地黃丸壯水之主，以制陽氣，不悟口舌赤烈，小便如淋而歿。

一女子十四歲，患前症，雜用清熱敗毒等藥，前症益甚。患陰挺，詳見下疳瘡。

牛蒡子湯 治風熱上壅咽喉腫痛或生乳蛾

牛蒡子炒 玄參 升麻 桔梗炒 犀角鎊 黃芩 木通

甘草各等 右每服一二錢水煎服

拔萃桔梗湯 治熱腫喉痺

桔梗炒 甘草炒 連翹 梔子炒 薄荷 黃芩各等 右為末每服一二

錢水煎服

柴胡飲 解肌熱積熱或汗後餘熱脉洪實弦數大便堅實者

黃芩炒 甘草分四 大黃分八 芍藥炒 柴胡 人參各五 當歸錢一 右每

服一錢薑水煎

東垣人參安胃散 治脾胃虛熱口舌生瘡或傷熱乳食嘔吐瀉痢

人參一錢 黃芪炒 生甘草 炙甘草各五 白芍藥七分 白茯苓四分 陳皮三

黃連炒 右為末每服二錢水煎

三因玉鑰匙 治風熱喉閉及纏喉風

煨硝半兩 鵬硝兩 片腦字一 白僵蚕錢一 右研勻用半錢吹入喉中立愈

九味蘆薈丸 治肝經積熱咽喉口舌生瘡或牙齦蝕爛兩目生翳耳中出水或肝積癰瘰下疳陰腫或莖

出白津拘中結核或小便良久變白大便不調肢體消瘦等症

胡黃連 宣黃連 蘆薈 木香 白蕪荑炒 青皮 白雷丸

鶴虱草各一 麝香錢一 右各另為末米糊丸麻子大每服半錢空心米湯下仍量犯大小用

甘桔湯 治風熱上攻咽喉疼痛及喉痺妨悶

苦梗 甘草兩 右每服二錢水煎

濟生犀角地黃湯治膏梁積毒脾胃有熱咽喉腫痛或口舌生瘡

犀角

牡丹皮

生地黄

赤芍藥

右每服一二錢水煎

五味異功散

方見敗毒之藥

六味地黃丸

方見作渴不止

柴胡清肝散

方見腸癰即柴胡梔子散

補中益氣湯

方見肌肉不生

瀉黃散

方見頭面瘡

腮癰

二附耳症

腮屬足陽明胃經其生癰者多因犯食甘甜味脾胃積熱所致亦有乳母鬱怒兒受其患者若因熱積於內二便不通者用涼膈散風邪相搏二便如常者用漏蘆湯胃經風熱或兼咽喉腫痛用升麻防風湯若稟賦陰虛火動頰間或兩耳內生瘡或出膿不止者宜用地黃丸若因乳母肝火乘脾用加味逍遙散脾經鬱熱用加味歸脾湯膏梁積熱用東垣清胃散脾胃風熱用清利咽喉湯仍茶口瘡治之

一小兒腮腫肉色不變大便不實屬胃經虛熱用五味異功散加升麻柴胡而愈又乳母飲酒兼怒兩腮赤腫憎寒發熱用加味清胃散二劑加味逍遙散一劑治其母兒亦飲數滴而愈

一小兒嗜炙煖腮腫發熱作渴飲冷用加味清胃散而消後仍不戒厚味腮腫赤痛喉連舌本先用瀉黃散而退次用加味清胃散而消

一小兒腮患瘡作渴飲湯飲食少思服敗毒散益甚余謂此胃經虛熱先用七味白朮散次用五味異功散而渴止後因母怒兩腮赤腫作渴發熱用加味逍遙散治其母兒患亦愈

一小兒十六歲腮患此三年不愈色黯下隘此胃經症也宜滋化源以生腎水外散寒邪以接陽氣不信妄用雜方元氣益虛七惡蜂起始信余言後用前藥果驗

一小兒腮腫敷寒涼之藥色白腫硬久而不愈此胃氣虛而寒邪凝滯也用葱熨法以散寒邪異功散以助元氣遂愈若用攻毒之劑則誤矣

一小兒酷嗜甘味藥餌惟甘者乃服後患腮腫余知其胃症也經曰酸能勝甘當用酸味之藥遂以烏梅

肉作丸甘草末為衣服至二兩許始惡甘味臃腫漸消。

一小兒臃腫痛外敷銖穢散內服寒涼藥日久堅硬其色不變夫藥之寒涼者外敷則氣色凝滯內服則脾胃有傷故氣血有虧而肉不潰色不赤也用四君加柴胡升麻白芷當歸外散寒邪內補脾氣更用葱熨法不數日膿潰而愈。

一小兒顙頰常焮腫服清熱敗毒之藥更口渴足熱面微黑余謂腎肝症用六味地黃丸與子服母服加味道遙散而愈後因別服伐肝之藥前症復作寒熱面青少便頻數此肝火血燥耳用柴胡梔子散以清肝六味地黃丸以滋腎遂痊。

一小兒顙頰腫痛後耳內出膿久而不愈視其母兩臉青黃屬鬱怒所致朝用加味歸脾湯夕用加味道遙散母子皆愈。

一小兒顙間發熱手足並熱用清胃瀉黃二散而愈後顙間腫痛焮連耳內余謂此腎經所屬之地不信雜用降火之藥耳出膿水或痒或痛稍加用心即發熱倦怠兩腿乏力用補中益氣湯及六味地黃丸稍愈畢姻後朝寒暮熱形氣倦怠足心發熱氣喘唾痰仍用前二藥佐以六君子湯而愈後不守禁惡寒發熱頭運唾痰余謂腎虛不能攝水而為痰清氣不能上升而頭運陽氣不能護守肌膚而寒熱遂用補中益氣湯各加蔓荊子附子各一錢不應乃用人參一兩附子二錢二劑而應乃用十全大補湯百餘劑而痊。

一小兒先顙間腫痛用敗毒之藥耳中流膿項間結核兩目或連翳或赤痛小便或作痒或赤澀皆肝膽二經風熱用四味肥兒丸悉愈。

一小兒顙頰腫痛服敗毒藥後耳出穢水余謂肝腎之症先用九味蘆薈丸而痊畢姻後面黃發熱用黃柏知母等藥更胸膈痞滿食少痰壅乃利氣化痰加噫氣下氣用六君子補中益氣二湯加乾姜木香尋愈。

一小兒腮腫搽石灰末久而不散余用四君子加升麻白芷及葱熨之法漸消又用仙方活命一劑而瘡夫石灰乃辛熱燥血之藥小兒氣血虛者搽之反致難治慎之

一小兒腮間腫痛用鐵穰散敗毒散之類出膿久不愈面色驚足心熱口舌乾余謂此稟腎水不足之虛症當補肺金滋腎水為主不信仍服前劑脾土益虛絕生氣而歿升麻防風湯治胃經實熱咽痛口燥腮癰等症

升麻

防風

黃柏炒

茯苓

芍藥炒

陳皮各五

連翹

當歸各七

右每服二錢水煎仍量大小用之

清咽利膈湯治心脾蘊熱或咽喉腮舌腫痛

玄參

升麻

桔梗炒

甘草炒

茯苓

防風

黃芩炒

黃連炒

牛蒡子炒

芍藥各等分

右每服一二錢水煎

東垣清胃散方見腹瀉

異功散方見用藥

地黃丸方見作

神效葱熨法方見瀉

仙方活命飲方見瘡毒

臂癰

臂癰之症當分經絡所屬受症之因而治之上廉屬手陽明經下廉屬手太陰經外廉屬手少陽經內廉屬手厥陰經內之上廉屬手太陰經內之下廉屬手少陰經或經絡熱鬱風邪外干氣血有乖即生癰毒苦因心經有熱者導赤散加黃連心胞絡有熱者柴胡梔子散肺經有熱者瀉白散大腸經有熱者大連翹飲喉腫作痛者血氣凝結也用仙方活命飲腫痛不消者欲作膿也用托裡消毒散膿熟不出者氣血虛也用托裡消毒散膿出及痛者氣血虛甚也肌肉不生者脾胃氣虛也用五味異功散不可外傳生肌散恐反助其邪而肌肉難長也

一小兒臂上生癰腫連肘間此屬手少陰三焦二經先用仙方活命飲殺其大勢次用柴胡清肝散以清

心肝之熱諸症頓退又用托裡消毒散出膿而愈

一小兒臂外側患毒此屬肺經部分先用神効解毒散加桔梗二劑腫痛頓減次用托裡消毒散而膿潰將愈因母食炙博之味患處復腫兼發熱咳嗽予服瀉白散母服清胃散而痊

一小兒臂腕漫腫數寒涼藥又常以冷水潤之腫熱已上至肩兩月餘而潰四月餘不斂膿出清稀面色痿黃余曰此氣血虛不能充榮於肌肉也先用異功散加升麻柴胡脾胃漸健又用托裡散而愈

一小兒臂患癰久不愈手足時冷用異功散加木香佐以八珍湯手足溫和乃用托裡散將斂因飲食停滯傷脾患處腫硬用六君木香及托裡散而愈

一小兒臂癰久不愈潰出碎骨飲食少思不時寒熱膿水清稀此氣血俱虛也用八珍散加肉桂桔梗漸消又用托裡散加肉桂及豆豉而愈

一小兒臂膊赤腫發熱作渴飲冷症屬胃火先用加味清胃散而愈後因母食厚味復腫痛先用瀉黃散二服再用清胃散母子服之並愈

一女子臂瘡腫煖作痛用仙方活命饒痛止成膿用加味八珍湯而膿潰漸斂用加味逍遙散與母服而痊

一小兒因母食膏粱臂瘡潰而作痛脉洪數有力用清胃散與母服子服瀉黃散漸愈又用加味逍遙散母子俱服而愈

一小兒臂瘡服敗毒散嘔吐腹脹作痛手足並冷用六君薑桂諸症漸退飲食漸進次用五味異功散而愈

一小兒臂癰腫硬色白寒熱倦怠此血氣虛弱而不能潰散先用五味異功散加乾薑其腫漸退飲食漸進又用托裡散如聖餅膿潰而愈

一小兒臂患癰腫硬不消食少自汗此脾肺氣虛而不能潰先用六君子湯而汗止乃佐以葱熨法而膿

成又用八珍湯而膿清用托裡散而瘡斂

一小兒臂患瘡敷寒涼之藥腫硬不消用補中益氣湯加木香薄桂及如聖餅助其陽氣而消

一小兒臂患瘡腫硬作嘔面色痿黃飲食少思此脾氣虛也用六君子湯嘔止食進又用五味異功散如聖餅而消

一小兒臂瘡作痛不止肌肉不生先用托裡消毒散而痛止用五味異功散托裡散而肉生

一小兒臂患瘡久而不斂肌肉消瘦日晡體熱此脾氣虛而不能生肌肉也朝用補中益氣湯夕用五味異功散諸症漸愈又用托裡散如聖餅而愈

一小兒臂瘡腫嫩赤右腮赤色傳服皆敗毒之藥余謂此肺胃二經之症也當用瀉黃瀉白二散主之若不信恪用前藥泛擾諸經虛症蜂起而斃

神効解毒散治一切瘡瘍初起腫者即消已潰仍腫者即散已潰毒不解者即愈

金銀花兩一 甘草節五錢 黃芪 皂角刺炒 當歸各三錢 乳香 沒藥各二錢 右為

散每服二錢酒煎溫酒調服亦可嬰兒病乳母亦服如瘡已潰腫痛已止者去乳沒金銀花倍加黃芪

甘草

白芷升麻湯治手陽明經分臂上生瘡

白芷 升麻 桔梗各一錢 黃芪炒 黃苓酒炒各二錢 生黃苓五錢 紅花

甘草五錢 右水酒半鍾煎食後溫服

瀉白散治肺經有熱生瘡又化痰止咳治氣進食

地骨皮 桑白皮各一兩 甘草錢五 右為末每服一二錢入粳米百粒水煎

瀉心散治心經實熱生瘡作渴發熱飲冷水手足並熱詳見心湯

導赤散治小腸實熱生瘡作渴發熱小便赤

生地黃 木通 甘草

右為末每服一錢入淡竹葉水煎

大連翹飲即大連翹湯治肺熱生瘡

連翹 瞿麥 荊芥

木通 赤芍藥 當歸 防風

柴胡 滑石 蟬殼 甘草 山梔子

黃芩 右為末每服二錢

加紫草水煎服之大便不通量加大黃

補中益氣湯

方見肌內不生

加味道遙散

六味地黃丸

二方見發熱不止

十全大補湯

方見癰

四味肥兒丸

方見貼骨癰

九味蘆薈丸

方見癰

柴胡梔子散

方見腹癰

東垣清胃散

方見腹癰

五味異功散

方見敗毒之藥

托裡消毒散

托裡散

二方見熱毒瘡瘍

腋癰

三謂癰生於脇之前腋之傍白者五下皆是也

腋癰屬足少陽手少陰手厥陰三經小兒患之多稟賦肝火所致初起先用活命飲次用柴胡梔子散五七日間作膿嫩腫作痛者亦用活命飲殺其大勢雖潰亦輕而易斂若膿已成用托裡消毒散已出用托裡散如有變症當隨症治之

一小兒患前症腫痛用仙方活命飲而痛止用托裡消毒散而潰因母飲酒復加腫痛母服清胃散肥兒活命飲托裡散而愈

一小兒患之因乳母恚怒所致子用仙方活命飲母用柴胡梔子散加味道遙散並愈後復患令母仍服前藥子服托裡消毒散而膿潰用托裡散而斂

一小兒腋下常患一枚此稟肝膽怒火也用牛黃解毒丸母服柴胡梔子散逍遙散而愈後每發即服前藥而愈或用荊防敗毒散外敷鐵箍散以杜後患幾至不救

一小兒十四歲患之內外皆用寒涼敗毒之藥腫硬作痛上連肩髀膿成不潰或用針之膿仍不出余曰

此氣血虛甚當峻補之不信半載後肩骨清解惟皮相連滙盡氣血而歿

一小兒患之恪服敗毒之藥久不潰色不變腫硬如石余用葱熨之法及托裡散二十餘劑患處微赤作痛又數劑腫起針出穢膿氣息淹淹用人參一兩乾薑一錢棗子十枚四劑仍用前散尋愈

一小兒患之膿內潰久不出色不變亦不痛余謂氣血虛甚當先大補而用火針不信或用冷針膿果不出更氣喘自汗余用獨參湯二劑喘汗少止膿仍未出又二劑膿出其多喘汗大作又用前湯四劑諸症悉退乃用八珍湯漸愈後因傷風咳嗽誤用表散之藥煩燥自汗面目赤色脉洪大無倫按之如無如血脫發躁也先用當歸補血湯諸症頓愈再用八珍湯而安又飲食過多發厥手足並冷用五味異功散加升麻柴胡生羌一劑而愈

一小兒患之色黯不斂三年不愈用十全大補湯及豆豉餅三月餘將愈後勞倦怒氣腋下腫痛以加味逍遙散十全大補湯相間服之月餘而愈

豆豉餅治瘡瘍腫痛硬而不潰及潰而不斂并一切頑瘡惡瘡用江西豆豉為末唾津和成餅大如銅錢厚如三四錢置患處以艾壯於餅上灸之乾則再易如瘡大作餅覆患處以艾鋪餅上灸之瘡未成者即消已成者祛毒間有不効者乃氣血虛敗之症也參疔瘡類灸法用之方見

四物湯治瘡瘍血虛發熱日晡益甚或煩躁不寐

當歸

熟地黃銘 芍藥炒

川芎銘

右水煎服

參朮柴苓湯治瘡瘍脾氣虛弱肝氣內動肢體抽動者

人參

白朮

茯苓

陳皮銘

山梔炒

甘草炒

柴胡炒

釣藤釣子銘

升麻銘

每服一二錢薑棗水煎服免用大劑與母服子少服之

黃連安神丸治心經血熱發熱驚悸不安

黃連銘

生甘草

生地黃銘

當歸

硃砂銘

右為末飯糊丸小豆大每服十

五九滾湯下如二三服不應當服歸脾湯要乳母並服

柴胡梔子散

方見一各

托裡消毒散

托裡散

方見熱毒瘡瘍

清胃散

方見

加味道遙散

方見發熱不止

牛黃解毒散

方見胎毒

十全大補湯

方見

脇癰五

脇助者足厥陰少陽之經相火之司也乃木之主肝膽之氣不平則風火內搏榮逆血鬱熱聚為膿而癰腫之所由生也亦有稟賦母氣肝膽之熱恚怒之火而致然初患微腫作痛者宜用柴胡梔子散未消者用仙方活命飲其熱既殺而腫不消者則必成膿也乃用托裡消毒散其膿既成以代針膏決之仍用托裡散自愈若膿出而痛止腫消則不必用藥也

一小兒四歲脇間漫腫一塊甚痛色如故服流氣敗毒等藥加寒熱作嘔食少作瀉此稟肝脾氣滯之症元氣復傷而甚耳乃擇乳母氣血壯盛者與加味歸脾湯加味道遙散服之免飲其乳半載而消

一小兒左脇生瘡寒熱作嘔右關脈弦數此肝症傳於脾也先用柴胡清肝散次用五味異功散又用托裡散瘡斂而愈其時同患是症專用敗毒者俱致不起

一小兒左脇下生瘡漫腫色赤此肝膽經形傷氣也先用托裡散消毒散加味小柴胡湯間服腫漸減又用托裡消毒散加味小柴胡湯瘡潰而愈

一小兒四歲患脇癰色赤腫痛肝脈弦而遲此肝膽經血虛有熱先用加味道遙散數劑大勢已消中間成膿又用托裡消毒散加柴胡山梔膿潰而斂

一小兒肩患癰痛甚腫至背乃膀胱經部分血瘀滯也先用仙方活命飲毒解痛止又用加味小柴胡湯加連翹山梔金銀花其勢漸退乃用加味道遙散加金銀花黃芪漫腫悉消但中間不退此欲作膿也用托裡消毒散膿成而潰又用托裡散地黃丸補血氣滋腎水而痊

一 小兒患之久不愈左關脉弦數右尺脉按之而弱此稟腎虛而然也用地黃丸為主佐以八珍湯托裡散而愈

一 小兒未暮脇間赤腫此稟肝火所致用加味道遙散數劑與母服子日服數匙漫腫悉退佐以托裡消毒散加山柃柴胡瘡潰而愈後因母患勞役子脇復腫赤用加味道遙散加味歸脾湯母子服之並愈

一 小兒脇癰服伐脾之藥膿清不斂呵欠呀咬飲食少思仍用伐脾余曰此脾虛之症也胃為五臟之主實補脾胃則肝不侮而肌肉自生矣不信乃伐肝木遂致不救

加味歸脾湯治小兒因乳母憂思鬱怒胸脇作痛或肝脾經分患瘡瘍之症或寒熱驚悸無寐或便血盜汗口瘡不斂等症

人參

黃芪炒

茯神去木各

甘草炒

白朮炒一兩

木香分五

遠志心法

酸棗仁

龍眼肉

當歸

牡丹皮

山柃炒各錢

右水煎乳母服兒亦服之

小柴胡湯治肝膽經分一切瘡瘍發熱潮熱或飲食少思加山柃牡丹皮名加味小柴胡湯

柴胡

五分錢

人參伍分

黃苓炒

半夏伍分

甘草炒三

右作二三服薑棗水煎

柴胡清肝散治肝經風熱或乳母怒火患一切瘡瘍

柴胡

黃苓炒

人參

川芎各一錢

連翹五錢

甘草各五

桔梗炒八

山柃

五分錢

右水煎母子服之

梔子清肝散一名梔子散治三焦及足少陽經風熱生瘡或發熱耳內生瘡作痒或出水疼痛

柴胡

梔子炒

牡丹皮

茯苓

川芎

芍藥炒

當歸

牛蒡子

炒各七分

甘草仁

右水

母子並服

龍膽瀉肝湯治肝膽經有熱小腹脇間患瘡瘍或玉莖便毒懸癰囊癰腫痛或潰爛作痛小便淋瀝或畢

九懸掛

方見下

加味逍遙散治小兒肝脾血虛內熱脇腹作痛頭目昏黑怔忡煩赤口燥咽乾或發熱盜汗食少不寐或

口舌生瘡胸乳膨脹小便不利或女子患前症經候不調發熱咳嗽寒熱往來等症

方見發熱不止

六味地黃丸治肝經血虛發熱或風客注氣癰癰結核或四肢發搐眼目抽動痰涎上湧或傷損出血發

熱抽搐等症

方見作渴不止

仙方活命飲

托裡消毒散

托裡散

三方見熱毒瘡癰

八珍湯

方見發熱不止

腹癰

六

腹癰者患於臍下或傍二寸許屬脾經近脇屬膽經蓋因脾經陰虛氣滯血凝或因脾虛飲食積熱所患若焮腫作痛者瀉黃散堅硬腫痛者清胃散腫痛便秘者清涼飲如此而仍痛者瘀血凝滯也活命飲既用此藥而不消則內飲作膿也用托裡消毒散若膿出而痛不減者毒未解也亦用前藥若膿出而反加痛及膿水清稀者氣血虛也用參芪托裡散若食少體倦者脾氣虛也用五味異功散加當歸柴胡升麻補熱內熱者脾血虛也用四君當歸丹皮如有他症當隨症治之

一小兒患此漫腫微痛肉色不變面色痿黃飲食少思此脾氣虛而食積內熱也用五味異功散加升麻當歸及如聖餅其腫漸消又用托裡散而愈

一小兒患此腫痛寒熱活命飲末二服腫痛頓止用托裡散如聖餅而腫漸消又用神效散及托裡消毒散數劑而痊

一小兒患之內潰作渴飲食少思屬元氣虛弱先用托裡消毒散四劑膿潰而發熱惡寒肢體倦怠此邪氣去而真氣虛也用八珍升麻補之稍愈又用托裡散異功散間服而痊

一小兒腹瘡大便秘結發熱飲冷此熱蓄於裡也用內疎黃連湯一劑大便通而痛止又用清熱消毒散內熱退而瘡愈

一小兒腹患瘡敷寒涼之藥其腫益甚腹中陰痛手足並冷此陽氣虛寒之症也余用回陽湯抑陰散而腫漸消毒漸散又用托裡散而斂

一小兒患此膿成不潰面色黃白惡心少食發熱惡寒大便不實此脾胃虛弱也先用六君升麻柴胡諸症漸退飲食漸進又朝用益氣湯夕用異功散而潰又用八珍湯而愈

一小兒腹中作痛肉色不變三月矣診其脉滑數而有力此腹癰內潰也用托裡散大便出膿甚多乃用意以仁湯及托裡散而愈

一小兒小腹赤腫服流氣敗毒等藥肉色如故食少體倦余謂此肝脾氣血虛而藥傷之也用六君肉桂及葱熨之法飲食漸進其腫漸消又佐以八珍湯而愈

一小兒患此而潰腫不消恪服敗毒之藥飲食少思膿清發熱余謂脾胃之氣復傷不信仍行氣清熱腫痛益甚服消導化痰之藥腹脹作瀉余先用異功散加升麻柴胡木香佐以二神丸二十餘劑諸症漸愈乃用異功散加當歸黃芪元氣漸復却用八珍湯內芍藥炒黃數劑改用托裡散而愈次年因勞心發熱作渴用當歸補血湯而安畢姻後寒熱往來患處作痒用十全大補湯六味地黃丸而愈

四君子湯陳皮半湯治脾胃虛弱或因寒涼傷胃致腫不能消或潰而不能斂者但以此藥溫補脾胃諸症自退如誤用攻伐則七惡隨至矣若脾胃氣虛瘡口出血或吐血便血則加當歸脾胃充健則血自歸經若脾虛血弱不生肌或哺熱內熱者更加熟地黃不可投四物沉陰之劑能傷脾胃也若胃氣虛弱起伐傷脾飲食少思或食而難化若作嘔作泄者尤宜用之如兼痰嗽氣逆肢體倦怠面目浮腫者亦因脾虛不能生肺而然也最宜用之

人參

白朮炒

茯苓

甘草炙

右每服二錢薑棗水煎

清胃散 治脾胃有熱生瘡或胃火牙痛或連頭面

升麻生

生地黃

牡丹皮

黃連炒

當歸炙

右水煎服加柴胡山梔即加味

清胃散

六君子湯治瘡瘍脾胃虛弱腫痛不消或不潰斂宜用此藥以吐營氣諸症自愈即四君加半夏陳皮清涼飲治瘡瘍脾胃實熱煩躁飲食噤痛脉實大便秘結小便赤澀

赤芍藥

當歸

甘草

大黃各等

右每服一錢水煎

當歸補血湯治瘡瘍肌熱面赤煩渴脉洪大而虛重按全無此血虛脉也誤服白虎湯必死方見發熱不止

益氣養榮湯治氣血損傷四肢頸項等處患腫不問堅軟赤白痛否日晡發熱或清而不斂者方見傷風

十全大補湯治諸瘡血氣虛不能清腐收斂或膿出發熱惡寒汗出煩眩口眼歪斜或肌瘦少食發熱口

乾等症須多服之為善方見便癰

參芪托裡散

補中益氣湯方見肌肉不止

托裡消毒散

托裡散二方見熱毒瘡癰

五味異功散方見用敗毒之藥

如聖餅方見流注

神効散毒發丹

八珍湯方見發熱不止

腎癰七

腎癰屬膀胱經濕熱或稟賦陰虛若腫硬作痛用內托羌活湯微腫微痛用托裡消毒散若初起大痛或

五日之間似消不消似潰不潰者先用仙方活命飲後用托裡消毒散若已潰食少體倦瘡不生肌脾胃

虛弱者用五味異功散加柴胡升麻稟賦陰虛小便數而不斂者加減八味丸氣虛久不生肌收口用豆

豉餅及補中益氣湯培養元氣若用解熱攻毒及敷圍寒冷之劑則氣血受傷必成敗症矣

一小兒患此腫硬不赤旬餘矣面赤痿黃飲食少進此脾氣虛弱也先用異功散飲食漸進漫腫漸消乃

用托裡散少加肉桂而潰又用八珍湯而斂

一小兒患此久不收斂四圍微黯瘡口黑色膿水清稀寒熱晡熱脉浮而數兩寸按之如無此陽氣虛而

陰血弱也朝用補中益氣湯夕用異功散半載而愈

一小兒腎瘡潰而不斂面色時赤此稟肝腎陰虛朝用八珍湯加五味子夕用加減八味丸諸症漸退又用托裡散間服而愈

一小兒腎瘡久不收斂肢體倦怠晡熱作渴此稟足三陰虛也用五味異功散加減八味丸漸愈又用托裡散而斂

一小兒腎癰久不生肌面色痿黃仍欲敗毒以收斂余曰脾主肌肉脾健則肉生遂朝用補中益氣湯夕用五味異功散及葱熨法脾氣壯肌肉生而愈

一小兒腫硬不消肉色不變此脾胃之氣虛怯不能運及患處耳朝用補中益氣湯夕用五味異功散以接虛怯之氣月餘而消其時同患是症外敷寒涼之藥內服犀角丸者無不受害

一小兒十五歲久不愈發熱體瘦面白噁氣恪服消食清熱等藥余謂心火虛而脾氣弱也先用八味丸為主佐以六君子湯補中益氣湯尋愈畢相後腎間患疽漫腫堅硬肉色不變手足時冷脉浮大按之微

細兩尺為甚先用八味丸料四劑又用十全大補湯患處色正而消

內托羌活湯治尻腎生癰堅硬腫痛

羌活 黃柏酒製各一錢 防風 藁本 當歸尾各五錢 肉桂 連翹

甘草炙 蒼朮 陳皮各三錢 黃芪八分 右作二劑水一杯煎空心服

仙方活命飲 托裡消毒散 托裡散三方見熱毒瘡癰

神功解毒散方見 加味八味丸方見 八珍湯方見

葱熨法方見 腿癰八

腿癰之症所主之經不同而所治之法亦異發於內側者屬肝脾二經發於外側者屬膽胃二經漫腫堅硬者元氣虛弱也用內補黃芪湯腫勢高熾者元氣未虛也用內托柴胡黃芪湯外並用隔蒜熨法者瘡